



PRESIDÊNCIA DO CONSELHO DE MINISTROS

VIII GOVERNO CONSTITUCIONAL



Gabinete
Porta-Voz

Komunikadu Imprensa

Reuniaun Konsellu Ministrus Loron-7 fulan agostu tinan 2019

Konsellu Ministrus reuni iha Palácio Governu, iha Díli no hahú rona apresentasaun hosi Diretor Estatística kona-ba Progresu Dahuluk hosi Sensus Agríkula Nasionál. Sensus Agríkula n'e e ho objetivu rekolla dados iha setór agríkula hodi defini Polítika no Estratéjia ida ba setór ne'e, apoia programa nasional ba agrikultura ba Planu Estratéjiku Dezenvolvimentu 2011-2030, dezenvolve indikadór hosi Objetivu Dezenvolvimentu Sustentável, fornese dados estatístiku kona-ba setór agríkula ne'e iha nível administrativo no fornese enkuadramentu ida ba setór agríkula nasional. Iha loron-12 fulan agostu too loron-12 fulan outubru 2019 sei rekolla dados sira, sei lansa relatóriu finál iha fulan abril 2020 no sei disemina rezultadu sira ba munisípiu hotu entre fulan maiu no juñu 2020. ema entrevistadór hamutuk 1.292, operadór GPS hamutuk ema 646 no supervizór hamutuk ema 646 no, total ema hamutuk 2.584 iha território laran-tomak, hosi total ne'e 36,8% nuudar seksu femininu, sira hotu halo parte iha ekipa " Sensus Agríkula".

Ministru Negósiu Estranjeiru no Kooperasaun, Dionísio Babo Soares, apresenta ba Konsellu Ministru relatóriu progresu kona-ba prosesu adezaun Timor-Leste ba ASEAN. Timor-Leste nia adezaun konsidera nuudar prioritáriu iha kontestu polítiku esternu nian no sei representa impaktu ida pozitivu ba dezenvolvimentu nasional, ho benefísiu boot ba ekonomia o sosiál. Tinan 2019 sei sai tinan ida desizivu atu halo avaliasaun ida pozitivu kona-ba Timor-Leste nia kapasidade atu kumpri ezijénsia hosi pilár tolu ASEAN nian no, tatur kedas, adezaun nuudar Estadu-Membru. Timor-Leste adere ba Fórum Rejonál ASEAN nian iha tinan 2005 no entrega ona kandidatura ba Estadu-Membru ASEAN iha tinan 2011. hafoin vizita delegasaun boot Timor-Leste nian ba Sekretariadu ASEAN, entre loron-3 no loron-7 fulan setenbru, Timor-Leste sei simu misaun esploratóriu, hodi representa atividade ne'ebé ho impaktu boot iha prosesu adezaun Timor-Leste nian, hahú hosi loron ne'ebé halo entregue formál kandidatura iha tinan 2011.



Palácio do Governo
Avenida Marginal, Díli
Timor-Leste



PRESIDÊNCIA DO CONSELHO DE MINISTROS

VIII GOVERNO CONSTITUCIONAL



Gabinete
Porta-Voz

Ministra Finansa iha ezersísiu, Sara Lobo Brites, apresenta proposta Dekretu-Lei kona-ba primeira alterasaun ba estrutura orgánika ba Autoridade Aduaneira. Alterasaun ida-ne'e buka atu, haree ba kompleksidade knaar ne'ebé Autoridade Aduaneira dezempeña, halo ajustamentu balu ne'ebé permiti atu administrasaun bele hatán kedas ho transparente ba dezafiu sira ne'ebé enfrenta loroloron. Tan ne'e maka, tenke halo alterasaun ba estrutura no atribuisaun hosi servisu ruma hosi servisu sentrál Autoridade Aduaneira nian, hodi haree mós ba ninia estrutura no reformulasaun ba ninia atribuisaun no kompeténsia sira ho objetivu atu bele hatán di'akliu ba nesesidade sira no garante prestasaun servisu ida efikza no efisiente ba sidadaun sira. Diploma ida-ne'e akresenta estrutura ba Autoridade Aduaneira servisu sira kona-ba planeamentu no finansa nian, lojística no jestaun ba patrimóniu no manutensaun, administrasaun no rekursu umanu nomós ba unidade rekursu. No sei altera mós designasaun ba dirijente másimu Autoridade Aduaneira nian, ne'ebé tuirmai sei bolu ho naran Komisáriu. Proposta ida-ne'e sei analiza filafali iha reuniaun Konsellu Ministru hodi hein mós pareser hosi Komisaun Funsau Públika.

Ministra Finansa iha ezersísiu mós apresenta proposta Dekretu-Lei kona-ba primeira alterasaun ba estrutura orgánika ba Autoridade Tributária. Liuhosi diploma ida-ne'e sei halo alterasaun ba estrutura no atribuisaun sira hosi servisu sentrál Autoridade Tributária servisu sira kona-ba deklarasaun no likuidasaun, jestaun antifraúde, devolusaun no reenbolsu ba impustu sobre valór akresentadu, aprovizionamentu no kontratu, sistema informasaun no rejistu kontribuinte, relasaun internasionál tributária, komuniksaun no relasaun públika ba kontratante no sub-kontratante ba inspesaun tributária petrolífera no ba inspesaun tributária mineral. Proposta ida-ne'e sei analiza filafali iha reuniaun Konsellu Ministru hodi hein mós pareser hosi Komisaun Funsau Públika. **REMATA**



Palácio do Governo
Avenida Marginal, Díli
Timor-Leste